

Itdingh Ndaej Saedyienh Aen Loq-siengj Cungguk Cienzmienh Fukhwng

□ Suh Dazcin / 苏达进

Gaxgonq, raeuz cungj ciengq hot gohoengz geq: “Gwnz haij hai ruz baengh bouxhai, fanhfaed majhung baengh daengngoenz……” neix. Dwg ha, aen dangj raeuz couhwdg boux hai ruz ndei ndeu, de gyaez gij lwgminz de, doifan sam goengq bya hung, laebbaenz Cungguk moq he, youh daiq gij lwgminz de buekmingh haenqguh, gij saedcej lwgminz de ngoenz ndei gvaq ngoenz. Miz aen dangj neix guhdaeuz, guekcoj raeuz itdingh ndaej saedyienh aen loqsiengj Cungguk cienzmienh fukhwng!

Geij bi neix daeuj gou ciengzseiz dingqnyi doenghgi lwgnyez eu hot fwen neix:

Lwgminz guek raeuz cienz duetgungz,
Cungj dwg baenghgauq aen dangj raeuz;
Bouxlaux bouxiq angqvau naeuz,
Daengzcog gyoengq raeuz engq vuenyungz.

Aen dangj laebbaenz it bak bi, daj hojndoq nanz yawj, aeu yiengh mbouj miz yiengh haenx, menhmenh bienqbaenz le seiqgyaiq ginghcidij daihngaih hung, lwgminz haeux duh fungsou, gwndaenj mbouj you, gij ci hung ci iq gwnz roen lumj duzmoed buen ranz. Gij vunz guek wnq hozhaenz raixcaix.

Doenghgi gisuz, daegbied dwg gauhgohgi cungj deng saefueng guekgya fungsoj, hoeng gohyozgyah guek raeuz mbouj lau gannanz haemzhoj, laebdaeb haeujlaeg yenzgiu damqra, doeklaeng cauh ok le ginghdan caeuq yenzswjdan. Aen Veisingh Bwzdouj guek raeuz gag naemj gag cauh, cauh fuk le lwgminz; 5G ndaej saedyienh, Meijgoz dahoengz luenh gangj vah, apbik guek wnq mbouj ndaej yungh 5G gisuz guek raeuz. Hoeng daengz seizneix lij miz haujlai aen guekgya baijbouh le 5G vangjloz Vazvez Gunghsw haeu raeuz. Saehsaed cwnghmingz: Mboujguenj seiqlig baihrog baenzlawz humxsaek, saj maz ciuyaem, cungj laengz mbouj ndaej guek raeuz fazcanj, lwgminz guek raeuz coengmingz lingzleih, gamj buekmingh haenqguh, youh maij cauhmoq, guek raeuz itdingh ndaej

saedyienh aen loqsiengj Cungguk cienzmienh fukhwng!

Binghra qyuek lajbiengz, lwgminz guek raeuz dingq dangj vah, hajcib roek aen minzcuz raeuz caezsim、doxgiet hoenx binghra q, gak vunz gak guenj bonjfaenh, dangjyenz souj bakloh, mbouj hawj binghra qyuek haeujma; gyoengq boux canghyw ciuqseiz daengz dieg qyuek binghra q, gouqyw gij vunzbingh; boux gohyenz haeujlaeg yenzgiu gij yw gouq vunzbingh, roxnaeuz yw fuengzre. Ak ha, mbouj geij nanz, guek raeuz gaemhanh le binghra q. Guek wnq youh hozhaenz dangqmaz!

Seiqhenz cienz daeuj le hot fwen:
Binghra q daeuj, raeuz mbouj lau,
Miz dangj hawj raeuz daeuj baiz you;
Dangj cijveih, sim raeuz raeuj,
Gyoengqvunz caez re ndei lairaeuh;
Binghra q dai, binghra q naeuh,
Gyoengqraeuz yaengx boi daeuj ndoet laeuj!

Bouxdaeuz guek raeuz miz coenz vah ndeu naeuz: Daengx seiqgyaiq dwg ranz ndeu, miz nanh raeuz aeu bang. Yienghneix, guek raeuz cungj dawz gij banhfap fuengzre binghra q cienz daengz lajbiengz gak dieg; boux canghyw caeuq gij yw bouxbingh laebdaeb ok guek, daengz gak guek bae yw bingh vunz. Yienghneix gij vunz guek wnq youh danqhaenh guek raeuz. Mwngz gangj, daengzcog guek raeuz lawz mbouj saedyienh loqsiengj Cungguk cienzmienh fukhwng ne?

Miz coenz vah geq yienghneix naeuz: “Va ndeu gag hai mbouj dwg cin, bak va caez hai cin rim suen”, yienznaeuz guek raeuz cienzbouh duetgungz, hoeng lajbiengz lij miz haujlai haujlai vunz caengz gaijgez ndaej gwn imq daenj raeuj, lij miz di guekgya hoenxcienq mbouj daengx, miz di guek cungj baij godaih, doiq guek wnq vix fwngz luenh gangj bedbed, yaepseiz couh yaengx diuz faexhung cicaiz. Guek raeuz haenqrengz guh it rangh it loh, byaij diuz roen caezcaemh hozcoz,

doengzcaez canh ngaenz, cauh fuk lwgminz. Gij vunz lajbiengz cungj miz lwgda yawj, byawz ndei byawz yak, ndawsim cungj rox, caeuq byawz hozcoz, ndawsim miz soq.

Geijcib bi daeuj, guek raeuz gangj daengz guh daengz, caencingq vih seiqgyaiq lwgminz cauh fuk. Seizneix, guek raeuz bienqbaenz le aen guek hung daih’it gunghyez, gij vunz ndawbiengz hix gig haengj yungh gij doxgaiq raeuz, lumj liz mbouj ndaej gij huq guek raeuz nei. Giyez ok guek caeuq gij guek wnq doxgap, bangcoengh dangdeih ginghci fazcanj, gungganq dangdeih yinzcaiz, demgya ngaenz ndaw daeh gyoengqde, hawj gyoengqde menhmenh gvaq saedcej ndei. Bangcoengh gij guek wnq hwnqguh gauhdez, roxnaeuz suijdencan, demgya vunz soq couhnieb, coicaenh dangdieg ginghci fazcanj. Raeuz itcig gangj saenqyungh, guh daengz caezgap caezcanh, caeuq gyoengqde doxndei doxhuz caemhyouq, mbouj miz saekdi haephangz.

Guek raeuz itcig genhciz doxhuz caezyouq, fanjdoi q capfwngz gij saeh guek wnq, fanjdoi q gungjbu cuji, doengzseiz youh genhgez henhoh cujgenz guekcoj caeuq diegguek caezcingj. Guek raeuz gangj daengz guh daengz. Gij lizsij geijcib bi cungj cwnghmingz, guek raeuz couhwdg yienghneix. Guek raeuz youq gwnz seiqgyaiq cungj rapdawz cwzyin guek hung. Lenzhozgoz heuh baij bing bae doenghgi guek cabluen haeux guh gij hong henhoh hozbingz, guek raeuz mbouj gangj lai coenz couh baij bing bae, caemhcaiq nyinhcaen guh gij yinvu henhoh, cungj ndaej daengz cwnghfuj caeuq lwgminz dangdeih danqhaenh.

Mboujguenj seizlawz, roxnaeuz gizlawz, guek raeuz cungj dwg vih lwgminz cauh fuk, cungj dwg genhciz huzndei caezyouq, doxgap caezcanh, caezcaemh fazcanj, doeklaeng cungj hwnghoengh, cungj ndaej gvaq ngoenz ndei, daengzcog itdingh ndaej saedyienh aen loqsiengj Cungguk cienzmienh fukhwng!

Daengngoenz Baihdoeng Mbouj Rox Doek

——Cimh Riz Bak Bi Cungguk Gungcanjdangj

□ Cingh Swmungz / 清似蒙

Nanzcangh guh gijyi,
Sij cingqngaih faenzcieng,
“Bet•Caet” gwnz hoihciengz,
Siengliengz byaij roen moq.

Lajmbanj ceng daemznaz,
Coemh haz feiz dawz hoengh,
Caez hwnjdaeuj bauhdoengh(baudung),
Dawz cungq ok cwnghgenz.

Siengh Gan(湘赣) ranghdieg neix,
Seiqcawq caenh geizding,
Gak mbanj caez doenghning,
Ca dangbing hoenxcienq.

3. Laeb Gunghnungz Hungzginh
Miz dingz vunzguhaz.

Gyonj nga vunz meizgvang,
Mbangj bing Gozminzdangj,
Doxcanj daeuj guhmieng.

Laeb gunghnungz hungzginh,
Sanhvanh lingh gaij bien,
Ndaw donz daengz ndaw lenz,
Aeu dangjyenz guh goek.

Bouhdoi h senj haeuj bya,
Nda laeb gwnhgidi,
Raemx lueg yienznaeuz iq,
Lae baenz rij baenz vaengz.

Cap haeuj Cingganghsanh,
Ra dieg dangj fwnrumz,
Gizneix lingh aen mbwn,

Guen bing vunz bingzdaengj.

Vangzyangzgai byasang,
Angqyangz yawj gak dieg,
Gizgiz hoenzsiu bieq,
Lumj vasiek (va faexsieq) bongj rumz.

Gvangjcouh Suhcwnghfuj (Suhveizaih Cwnghfuj),
Ndae senhbu laebbaenz,
Fanjdungbai hozhaenz,
Heiq haeb faenz haeb heuj.

Lwgcuengh Veiz Bazginz,
Ndawsim ngeix daengxcungq,
Daiq vunzmbanj baudung,
Nauh ndaej hoengh dangqmaz.